



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU BOSANSKOHERCEGOVAČKE PATRIOTSKE STRANKE – SEFER HALILOVIĆ

Broj: 03-07-6-260/19
Sarajevo, 01.09. 2020. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	9

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Bosanskohercegovačke patriotske stranke – Sefer Halilović za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Bosanskohercegovačka patriotska stranka – Sefer Halilović prekršila odredbe člana 4. stav (1), člana 8. stav (1), člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bosanskohercegovačke patriotske stranke – Sefer Halilović za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanskohercegovačka patriotska stranka – Sefer Halilović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	20.893,81	4,20
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e) ¹	17.644,52	3,55
7.	Prihodi iz budžeta (3-f)	449.868,82	90,47
8.	Prihodi od propagande (3-g)	0,00	0,00
I	Ukupni prihodi (1-8)	488.407,15	98,22
II	Ostali prihodi i drugo	8.849,28	1,78
	Izvori finansiranja (I+II)	497.256,43	100,00

U godišnjem finansijskom izvještaju stranka je iskazala rashode u ukupnom iznosu od 549.397,70 KM.

2. PREDSTAVLJANJE POLITIČKE STRANKE

Naziv političke stranke je Bosanskohercegovačka patriotska stranka – Sefer Halilović. Skraćeni naziv stranke je BPS – Sefer Halilović.

Bosanskohercegovačka patriotska stranka – Sefer Halilović je registrovana kod Kantonalnog suda u Sarajevu, Rješenjem broj: 065-0-Reg-06-001437 od 28.06.2006. godine.

Sjedište stanke je u Sarajevu, Čemaluša 6/II.

Lice ovlašteno za zastupanje stranke je Sefer Halilović, predsjednik stranke.

Lice ovlašteno za podnošenje finansijskih izvještaja za 2018. godinu je Nalvedina Dedagić-Čengić.

Prema podacima iz godišnjeg finansijskog izvještaja za 2018. godinu, Bosanskohercegovačka patriotska stranka – Sefer Halilović ima sljedeću organizacionu strukturu:

- Centrala BPS-SH,
- 6 regionalnih odbora,
- Gradski odbor Mostar,
- 63 općinska odbora.

¹ Podatak o prihodima od poklona je preuzet iz korigovanog finansijskog izvještaja od 19.06.2020. godine

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanskohercegovačke patriotske stranke – Sefer Halilović za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Bosanskohercegovačke patriotske stranke – Sefer Halilović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, nenovčane donacije i troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled, odnosno reviziju godišnjih finansijskih izvještaja Bosanskohercegovačke patriotske stranke – Sefer Halilović u periodu od 2006. do 2017. godine, nakon kojih su izdati izvještaji revizije sa mišljenjem revizora, nalazima revizije i preporukama političkoj stranci.

Nakon izvršenog pregleda godišnjeg finansijskog izvještaja za 2017. godinu, stranci su date preporuke: da finansijska sredstva osigurana za finansiranje političke stranke koristiti isključivo za ostvarivanje ciljeva utvrđenih svojim programom i statutom, da vodi evidenciju o prilozima, bez obzira na koji način ih ostvaruje, da se ne finansira iz zabranjenih izvora, da poslovne knjige vodi u skladu sa računovodstvenim propisima i da obrati pažnju na relevantnost knjigovodstvenih isprava, da uspostavi potpune i tačne evidencije o rashodima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da politička stranka, nije ispoštovala preporuke revizije.

5. NALAZI I PREPORUKE

5.1 NALAZI

a) Pregledom godišnjeg finansijskog izvještaja utvrđeno je da je Bosanskohercegovačka patriotska stranka – Sefer Halilović prekršila odredbe člana 4. stav (1) Zakona o finansiranju političkih stranaka².

(1) Pregledom finansijskog izvještaja, poslovnih knjiga i finansijske dokumentacije utvrđeno je da je politička stranka sredstva u iznosu od 183.230,42 KM utrošila mimo svog programa utroška sredstava za 2018. godinu.

- Stranka je troškove bruto plaća planirala u iznosu od 32.887,86KM, a iste je ostvarila u iznosu od 48.760,91 KM, što je za 15.873,05 KM više od planiranog iznosa.

² U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

- Troškove naknada po ugovorima o djelu u bruto iznosu, odnosno neto isplate sredstva i pripadajuće doprinose, stranka je planirala u iznosu od 30.000,00 KM, a ostvarila ih je u iznosu od 35.556,74 KM, te ih u finansijskom izvještaju prijavila kao troškove neproizvodnih usluga, a u poslovnim knjigama kao troškove administrativno tehničkih usluga.
- Ostale nepredviđene rashode stranka je planirala u iznosu od 10.000,00 KM, a ostvarila je rashode u iznosu od 62.093,03 KM, koje je u finansijskom izvještaju iskazala kao ostale rashode u iznosu od 29.593,03 KM i ostale nematerijalne troškove u iznosu od 32.500,00 KM.
- Stranka je u finansijskom izvještaju iskazala ostvarene troškove poreza i drugih obaveza u iznosu od 19.473,47 KM, a iste nije predvidjela svojim programom utroška za 2018. godinu.
- Zakupninu poslovnih prostora stranka je programom utroška predvidjela u iznosu od 30.399,32 KM. U finansijskom izvještaju i poslovnim knjigama iskazala je ostvarene troškove zakupnine poslovnih prostora u iznosu od 46.997,76 KM, što je za 16.598,44 KM više od planiranog iznosa. Stranka je ostvarila i troškove ostalih zakupnina u iznosu od 3.600,00 KM, koje nije planirala.
- Stranka je planirala troškove kancelarijskog materijala, stručnih publikacija, sitnog inventara, i sredstava za održavanje poslovnih prostorija u iznosu od 4.200,00 KM, a ostvarila ih je u iznosu od 11.254,53 KM.
- Stranka je ostvarila troškove u iznosu od 9.231,85 KM i iskazala ih kao troškove usluga, za koje nije utvrđeno da su predviđeni programom utroška.
- Troškove izborne kampanje stranka je planirala u iznosu od 161.000,00 KM, a prema podacima iz finansijskog izvještaja i poslovnih knjiga ostvarila ih je u iznosu od 214.749,31 KM, što je za 53.749,31 KM više od planiranog iznosa.

(2) Uvidom u izvode sa transakcijskog računa, utvrđeno je da je Bosanskohercegovačka patriotska stranka – Sefer Halilović isplatila sredstva fizičkim licima u iznosu od 112.800,00 KM, te na ista, kao na lična primanja u skladu sa poreznim propisima platila porez i doprinose u iznosu od 21.637,68 KM.

Sredstva su isplaćena predsjedniku stranke i predsjednicima nižih organizacionih dijelova, na osnovu odluka kojima predsjednik Sefer Halilović daje ovlaštenje fizičkim licima da novčana sredstva od političke stranke, potrebna za finansiranje predizborne kampanje, mogu primati preko svojih privatnih računa kod poslovnih banaka³.

Pored odluka o isplati sredstva fizičkim licima, politička stranka je donijela akte kojima se blagajnici organizacionih dijelova stranke obavezuju da najkasnije do polovine oktobra 2018. godine Centrali stranke dostave dnevnik blagajne za dobivena sredstva, kako bi se u Sektoru za računovodstvo i finansije političke stranke blagovremeno izvršilo knjiženje nastalih poslovnih promjena.

Pored navedenog, Bosanskohercegovačka patriotska stranka – Sefer Halilović je sa svojim predsjednikom zaključila Ugovor o angažmanu, na osnovu koga mu se mjesečno isplaćuje iznos od 2.000,00 KM za troškove putovanja, vezanih za stranačke skupove i obilaske regionalnih i općinskih odbora stranke i reprezentacije vezane za iste.

³ U preambuli svih odluka politička stranka se pogrešno i neosnovano poziva na Zakon o finansiranju političkih stranaka i podzakonski akt Centralne izborne komisije BiH. Stranka navodi da odluke donosi u skladu sa Zakonom o finansiranju političkih stranaka („Službeni glasnik BiH“, broj: 95/12) i Pravilnikom o godišnjim finansijskim izvještajima političkih stranaka („Službeni glasnik BiH“, broj: 61/06), isko je isti van snage. Zakonom o finansiranju političkih stranaka niti Pravilnikom o godišnjim finansijskim izvještajima političkih stranaka nisu propisana ovlaštenja niti raspolaganje novčanim sredstvima i finansiranje izborne kampanje kako je Bosanskohercegovačka patriotska stranka – Sefer Halilović navela u svojim odlukama.

Uvidom u izvode sa transakcijskih računa utvrđene su isplate sredstava stranke na privatne račune u iznosima od 500,00 KM do 30.000,00 KM. Tri osobe, među kojima je i predsjednik stranke, primile su sredstva u iznosima od 30.000,00 KM, 25.000,00 KM i 20.000,00 KM. Jednoj osobi na privatni račun su isplaćena sredstva u iznosu od 9.000,00 KM. Na račune dvije fizičke osobe izvršene su isplate u iznosima po 5.000,00 KM, te isplate od 4.600,00 KM, 3.200,00 KM i 3.000,00 KM kod tri osobe. Dvije osobe su primile sredstva u iznosima po 2.000,00 KM, tri osobe po 1.000,00 KM, dok su i dvije osobe primile sredstva u iznosima po 500,00 KM.

Dio finansijske dokumentacije kojom je pravdan utrošak sredstava isplaćenih fizičkim licima, u iznosu od 60.240,00 KM, vjerodostojno ne pokazuje da su sredstva utrošena isključivo za ostvarivanje ciljeva utvrđenih programom i statutom stranke⁴, dok utrošak sredstava u iznosu od 52.560,00 KM nije pravdan finansijskom dokumentacijom, te stoga nije moguće utvrditi da li su sredstva utrošena za finansiranje stranačkih aktivnosti.

- (3) Centrala političke stranke je iz svoje blagajne gotovinski isplatila sredstva nižim organizacionim dijelovima stranke u iznosu od 24.000,00 KM.

Utrošak sredstava u iznosu od 14.050,00 KM je pravdan finansijskom dokumentacijom koja ima manjkavosti i formalne nedostatke, dok za sredstava u iznosu od 9.950,00 KM stranka nema dokaze kako su ista utrošena.

Obzirom da je Bosanskohercegovačka patriotska stranka – Sefer Halilović sredstva trošila mimo svog programa utroška, te da za utrošak sredstava koja su isplaćena fizičkim licima, funkcionerima stranke, nema relevantne dokaze, odnosno potpune i ispravne knjigovodstvene isprave, prekršila je odredbe člana 4. stav (1) Zakona o finansiranju političkih stranaka.

b) Politička stranka je ostvarila prilog koje političkim strankama zabranjen odredbama člana 8. stav (1) Zakona o finansiranju političkih stranaka.

Stranka je tokom 2018. godine ostvarila nenovčanu donaciju besplatnim korištenjem poslovnog prostora koji je Općina Ključ dodijelila na korištenje Udruženju žena „Ključki biseri“ Ključ, a udruženje je prostor dodijelilo političkoj stranci. Ovu donaciju Bosanskohercegovačka patriotska stranka – Sefer Halilović je prijavila u finansijskom izvještaju na obrascu 3-e (nenovčane donacije i računi koje stranka nije imala obavezu da plati) u iznosu od 500,00 KM. Udruženje žena „Ključki biseri“ Ključ je finansirano javnim sredstvima, pa je navedena donacija političkoj stranci zabranjena u skladu sa odredbama iz člana 8. stav (1) tačka g) Zakona o finansiranju političkih stranaka⁵.

c) Politička stranka je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

Pregledom godišnjeg finansijskog izvještaja, finansijske dokumentacije koju je politička stranka dostavila na zahtjev Centralne izborne komisije BiH, te dokaza iz drugih izvora utvrđeno je da dio evidencija o novčanim tokovima i rashodima političke stranke nije potpun, nije sačinjen u skladu sa računovodstvenim načelima, da je dio evidencija sačinjen bez relevantnih

⁴ Stranka nema putne naloge predsjednika vezane za obilaskе regionalnih i općinskih odbora stranke, izvještaje sa službenih putovanja, niti bilo koji drugi dokaz da su putovanja izvršena, osim računa za gorivo u iznosima koji su znatno do u pola manji u odnosu na isplaćene naknade.

Od strane lica kojima je stranka uplatila sredstva za finansiranje izborne kampanje, utrošak je pretežno pravdan gotovinskim isplatama po formalno neispravnim nota računima, bez fiskalnih računa i na kojima su naznačeni iznosi veći od 200,00 KM. Određeni broj dokumenata o utrošku sredstava je kreirala politička stranka (potvrde o gotovinskim isplatama za izvršene usluge), koji nisu potpisani, niti imaju dokaz da je usluga izvršena.

⁵ U skladu sa oderdbom iz člana 8. stav (1) tačka g) Zakona, finansiranje političkih stranaka zabranjuje se sindikatima, uduženjima i drugim neprofitnim organizacijama koje se finansiraju javnim sredstvima bez obzira na iznos sredstava.

knjigovodstvenih isprava ili na osnovu nevjerodostojnih isprava i da godišnji finansijski izvještaj nije popunjen u skladu sa odredbama Pravilnika o godišnjim finansijskim izvještajima političkih stranaka – u daljem tekstu Pravilnik.

- (1) Politička stranka je kao troškove u poslovnim knjigama evidentirala isplate sredstava koje su na osnovu odluka organa stranke izvršene fizičkim licima, u iznosu od 112.800,00 KM. Troškovi su, suprotno računovodstvenim propisima, djelimično evidentirani bez knjigovodstvenih isprava, dok je dio troškova evidentiran na osnovu nevjerodostojne knjigovodstvene dokumentacije, te se ne može pouzdano utvrditi da je usluga izvršena za političku stranku i u kom iznosu⁶, kao što je navedeno u nalazu pod tačkom a).

Sva lica koja su trošila sredstva političke stranke, imala su obavezu da svaki trošak opravdaju ispravnim računima, odnosno relevantnim knjigovodstvenim ispravama, da bi politička stranka u poslovnim knjigama i finansijskom izvještaju iskazala stvarne troškove.

- (2) Uvidom u poslovne knjige stranke, utvrđena je nedosljedna primjena računovodstvenih načela prilikom evidentiranja isplaćenih sredstava na račune fizičkih lica, koja su namijenjena za finansiranje izborne kampanje.

- Sredstva isplaćena unaprijed, te namijenjena za plaćanje troškova koji će naknadno nastati, politička stranka nije evidentirala kao potraživanja od fizičkih lica dok ne opravdaju utrošak sredstava, niti je uspostavila evidenciju o licima kojima su sredstva isplaćena.

Ova sredstva stranka je u poslovnim knjigama evidentirala kao ostale isplate fizičkim licima u iznosu od 65.560,00 KM, razvrstane po regionalnim odborima stranke i to kao plaćanja za koja prethodno nije stvorena obaveza⁷. Troškovi i nastale obaveze stranke knjižene su nakon izvršenih isplata, u roku dužem od 30 dana.

- Sredstva isplaćena na prethodno navedeni način, u iznosu od 47.240,00 KM i njihov utrošak, stranka je u poslovnim knjigama evidentirala kao tokove gotovine preko prelaznih računa blagajni regionalnih odbora stranke.

Ovakvim načinom evidentiranja poslovnih događaja, politička stranka je značajno narušila transparentnost utroška sredstava.

- (3) U finansijskom izvještaju, koji je podnijela Centralnoj izbornoj komisiji BiH politička stranka je prijavila samo blagajnu Centrale političke stranke, putem koje je ostvarila promet u iznosu od 54.116,85 KM. Uvidom u blagajničku dokumentaciju, utvrđeni su prenos gotovine iz blagajne Centrale na blagajne šest regionalnih odbora političke stranke, u iznosu od 24.000,00 KM.

Stranka u finansijskom izvještaju nije prijavila blagajne nižih organizacionih dijelova stranke, čime je prekršila odredbe člana 12. Pravilnika.

d) Bosanskohercegovačka patriotska stranka – Sefer Halilović nije, u skladu sa odredbom iz člana 4.4 stav (1) Izbornog zakona BiH, otvorila poseban transakcijski račun za finansiranje izborne kampanje.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke.

⁶ U skladu sa računovodstvenim propisima, sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

⁷ Stranka je bila obavezna u poslovnim knjigama svaku isplatu sredstava evidentirati kao potraživanje i to od svakog lica pojedinačno, a nakon pravdanja utrošenih sredstava relevantnim knjigovodstvenim ispravama evidentirati nastale troškove stranke i zatvarati potraživanja od fizičkih lica.

Taksu za ovjeru za učešće na Općim izborima 2018. godine, politička stranka je, suprotno odredbama Pravilnika o prijavi i uslovima za ovjeru političkih subjekata za učešće na Općim izborima 2018. godine („Službeni glasnik BiH“, broj 29/18)⁸, uplatila sa redovnog transakcijskog računa, putem koga je vršila transakcije prije uplate takse.

Stranka je u Prijavi za ovjeru političke stranke za učešće na izborima navela podatke o redovnom računu stranke, koji je određen kao glavni račun. Putem tog računa stranka je, pored transakcija vezanih za izbornu kampanju u iznosu od 227.705,91 KM, obavljala i druge transakcije. Ostvarila je sljedeći promet računa: početno stanje na dan 01.01.2018. godine 18.742,80 KM, uplate na račun tokom cijele godine u iznosu od 488.243,17 KM i isplate u iznosu od 451.808,38 KM, te stanje računa na dan 31.12.2018. godine u iznosu od 55.177,59 KM.

e) Bez kvalifikovanja revizijskog mišljenja, skrećemo pažnju na cijene usluga koje su pružene političkoj stranci.

Uvidom u izvode sa transakcijskog računa političke stranke, utvrđene su isplate fizičkom licu Hajrudinu Haliloviću na ime zakupa putničkog vozila po cijeni od 1.200,00 KM mjesečno, što je neprimjereno visok iznos u odnosu na tržišne, odnosno fer cijene.

Na ime zakupa putničkog vozila Bosanskohercegovačka patriotska stranka – Sefer Halilović je navedenom licu isplatila 14.400,00 KM.

Troškovi izborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM⁹ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Bosanskohercegovačka patriotska stranka – Sefer Halilović je u svrhu izborne kampanje mogla da potroši 1.767.181,60 KM.

U finansijskom izvještaju za period od dana podnošenja prijave za ovjeru za izbore do dana ovjere rezultata Općih izbora 2018. godine Bosanskohercegovačka patriotska stranka – Sefer Halilović je prijavila troškove u iznosu od 227.705,91 KM.

5.2 PREPORUKE

Preporučuje se Bosanskohercegovačkoj patriotskoj stranci – Sefer Halilović da se pridržava odredaba Zakona o finansiranju političkih stranaka i odredaba Izbornog zakona BiH, a posebno na osnovu uočenih nedostataka se preporučuje:

- ***da finansijska sredstva osigurana za finansiranje političke stranke koristiti u skladu sa svojim programom i statutom,***
- ***da sredstva koristi isključivo za ostvarivanje ciljeva političke stranke,***
- ***da se ne finansira iz zabranjenih izvora,***

⁸ Centralna izborna komisija Bosne i Hercegovine propisala je formu i sadržaj prijave za ovjeru političkih subjekata, te obavezu političkim strankama da taksu za ovjeru prijave za učešće na Općim izborima 2018. godine uplate sa svog transakcijskog računa koji će se namjenski koristiti za izbornu kampanju tokom Općih izbora 2018. godine.

⁹ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da poslovne knjige vodi u skladu sa računovodstvenim propisima, da poštuje računovodstvena načela i da obrati pažnju na ispravnost i relevantnost knjigovodstvenih isprava,*
- *da uspostavi potpune i tačne evidencije o novčanim tokovima, potraživanjima i rashodima političke stranke,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da popštuje odredbe Izbornog zakona BiH i podzakonskog akta Centralne izborne komisije BiH, kojim se uređuje otvaranje namjenskog računa i njegovo korištenje isključivo za finansiranje izborne kampanje.*

KOMENTAR

Bosanskohercegovačka patriotska stranka – Sefer Halilović se u datom roku očitovala na Preliminarni izvještaj o pregledu godišnjeg finansijskog izvještaja za 2018. godinu. Stranka je djelimično otklonila nedostatke, odnosno vratila zabranjeni prilog u iznosu od 2.973,00 KM, te dostavila dokaz, što je Služba za reviziju, skupa sa argumentovanim primjedbama stranke uvažila i korigovala nalaz iz preliminarnog izvještaja.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić